

冊府元龜

十二

台灣中華書局股份有限公司 出版
宗青圖書出版有限公司 發行

第十二冊

冊府元龜

臺灣中華書局印行

冊府元龜第十二冊目錄

詞臣部

卷五五〇 總序 六五九九

選任 六六〇一

恩獎 六六〇六

卷五五一 詞學 六六〇九

才敏 六六一二

器識 六六一七

卷五五二 獻替一 六六二〇

卷五五三 獻替二 六六三〇

謬誤 六六三九

稽緩 六六四一

國史部

卷五五四 總序 六六四三

選任 六六四五

公正 六六五四

恩獎 六六五六

卷五五五 採撰一 六六六二

卷五五六 採撰二 六六七六

卷五五七 採撰三 六六八九

卷五五八 論議一 六七〇〇

卷五五九 論議二 六七一〇

卷五六〇 記注 六七一八

譜牒 六七二四

地理 六七二九

卷五六一 世官 六七三五

自序 六七三八

卷五六二 疏謬 六七四八

不實 六七五〇

非才 六七五四

掌禮部

卷五六三 總序 六七五六

制禮一 六七五九

卷五六四 制禮二 六七七一

儀注 六七七六

卷五六五 作樂一 六七八二

卷五六六 作樂二 六七九四

卷五六七 作樂三 六八〇六

卷五六八 作樂四 六八一九

卷五六九 作樂五 六八三二

卷五七〇 作樂六 六八四八

夷樂 六八六〇

卷五七一 討論一 六八六二

卷五七二 討論二 六八七二

卷五七三 奏議一 六八八〇

卷五七四	奏議二	六八九二	學校部	希旨	七一四八
卷五七五	奏議三	六九〇三		謬妄	七一五三
卷五七六	奏議四	六九一五	卷五九七	總序	七一五七
卷五七七	奏議五	六九二五		選任	七一六〇
卷五七八	奏議六	六九三五		世業	七一六八
卷五七九	奏議七	六九四四		教授	七一七四
卷五八〇	奏議八	六九五二	卷五九八	侍講	七一九〇
卷五八一	奏議九	六九六二	卷五九九	講論	七一九七
卷五八二	奏議一〇	六九七二		師道	七二〇四
卷五八三	奏議一一	六九八〇	卷六〇〇		
卷五八四	奏議一二	六九八八			
卷五八五	奏議一三	六九九九			
卷五八六	奏議一四	七〇〇七			
卷五八七	奏議一五	七〇一六			
卷五八八	奏議一六	七〇二五			
卷五八九	奏議一七	七〇三八			
卷五九〇	奏議一八	七〇五〇			
卷五九一	奏議一九	七〇六一			
卷五九二	奏議二〇	七〇七五			
卷五九三	奏議二一	七〇九二			
卷五九四	奏議二二	七一〇五			
卷五九五	諡法一	七一一九			
卷五九六	諡法二	七一二八			

冊府元龜

巡按福建監察御史臣李嗣京 訂正

新建縣舉人臣戴國士參閱

知建陽縣事臣黃國琦較釋

詞臣部

總序

夏商之前詞臣之制蓋未詳聞說命云其代予言則其事也周禮春官之屬大祝作六辭以通上下親疎遠近一日辭二日命三日誥四日會五日禱六日誅內史掌王八柄之法凡命諸侯及孤卿大夫則策命

冊府元龜

詞臣部

卷之五百五十

一

之策謂以簡王制祿則贊爲之以方出之贊爲之辭之以方判書外史掌書外令王令下若以書使於四而出之也

方則書其令書王令以御史掌贊書王有命以書致授使者

今尚書皆司言之任也漢制帝之下書有四一日策書二曰制書三日詔書四曰誡勅策書者編簡也其

制二尺短者半之策書起年月稱皇帝以命諸侯王三公共罪免以賜策其異者隸書用尺一木兩行而

已制書者帝者制度之命其文曰制詔三公皆璽封尚書令印重令仰重封露布州郡也詔書者告也其

文曰告其官云如故事告誡勅者謂刺史太守其文

日有詔勅某官他類此又尚書主作文書草下筆爲詔策出言爲詔命後漢因之故尚書陳忠上疏云尚書爲王喉舌之官而諸郎多俗吏鮮有雅才每爲詔文轉詔求請也魏制中書監令並管機密掌贊詔命典作文書屬官通事郎掌草詔即漢尚書郎之任蜀初劉巴爲尚書令先主諸文詔策命皆其所作則尚書之職典詔命矣吳有中書令頗與魏同制而國初文詔之類皆出侍中胡綜則門下兼其事矣晉制以省郎一人管司詔命任在西省謂之西省郎朱齊因之梁世中書舍人用人殊重專掌詔誥故裴子野以

冊府元龜

詞臣部

卷之五百五十

二

中書侍郎鴻臚卿掌兼中書通事舍人別勅知詔誥初魏晉已降中書令侍郎即聯掌其事至是舍人始專之又梁集書省置散騎騎掌侍而下專吳臺爲諸優文策文平處諸文章詩頌後魏初多尊晉制中書令而下掌爲文詔北齊因之後周依周禮建六官太宗伯之屬有內刺外史典命蓋其職也隋有內史舍人專掌詔誥唐循梁陳故事初中書舍人專掌詔誥其以他官領者謂之知制誥凡詔旨制勅璽書冊命皆按典故起草其禁有四一日漏洩二日稽緩三日違失四曰妄誤有以他官特詔草制者然未有名號乾

封已後始名北門學士自永淳已來天下文章道盛中書舍人爲文事之極任朝廷之盛選中宗朝制詔多出官中明皇始置麗正殿學士又改爲集仙集賢以典治書籍然亦別草詔書後置翰林待詔又改爲翰林供奉開元二十六年乃爲學士別建學士院於翰林院之南專掌內命然而學士班序未立廷見之際各趨本列暨正元二年九月始勅與諸司官知制誥同例學士無定員上至諸曹尚書下至較書郎皆爲之凡入翰林與諸曹絕迹不拘本司不繫當參初選者中書門下召令右銀臺門候旨其日入院試制

冊府元龜

詞臣部

卷之五百五十

三

書批答共三道詩一首試畢封進可者翌日受宣後增試賦一首元和中又置承旨一員故事中書之職正言之制有七一日冊書立后建嫡封庶藩屏臨軒儀禮則用之二日制書行大賞罰授大官爵釐革舊政赦有降憲則用之三日慰勞制書褒贊賢能勸勉勤勞則用之四日餐旨勅書增減官員廢置州縣徵發兵馬除免官爵授大品以下官處流已上罪則用之五日勅旨謂百司承旨而爲程式奏事施行者六日論事勅書慰諭公卿誠約臣下則用之七日勅條隨事承旨不易舊典則用之凡答疏於王公則用皇

帝行寶勞來勳賢則用皇帝之寶徵召臣下則用皇帝信寶答四夷書則用天子行寶慰撫蠻夷則用天子之寶餐蕃將兵則用天子信寶元和初學士院別置書詔印凡赦書德音立后建儲大誅討拜免三公將相日制百官班於宣政殿而聽之賜與徵召宣索處分之詔慰撫軍旅之書祠饗道釋之文陵寢薦獻之表答奏疏賜軍號皆學士院主之餘則中書舍人主之其翰林學士中書舍人分爲兩制各置六員梁因之後唐同光元年四月置護鑾制書學士尋能之晉天福五年廢翰林學士其職事並歸中書舍人開

冊府元龜

詞臣部

卷之五百五十

四

運元年復置翰林學士三年又賜學士院書詔金印周初翰林學士韋叅官五日一起居顯德五年詔令逐日起居當直則赴晚朝夫代王言頒憲度或以褒功德或以出爵祿或以撫郡國或以制刑辟皆萬方之瞻仰百世之流布必在其言雅正其理流暢可以發揮於治體可以感動於人心與典誥而同風將流俗而殊貫然後謂之稱職協乎得人矣在於兩漢其俗未顯獨相如視草而已其後魏有衛凱劉放晉有張華和嶠宋有傅亮南齊有丘靈鞠梁有朱异陳有姚察蔡立景北齊有祖瑩魏收後周有李德林隋有

虞世基唐有李伯藥岑文本李嶠蘇頲之類皆其彰灼聞名於世者也復有不察職務近居侍從獨以文義受乎知獎因而受詔俾平屬辭則有陸買之書嚴助之賦枚臯之祝楊雄之贊王融之序蘇綽之誥虞綽之銘其文也或以典雅或以溫麗或以敏速或以體要其人也或以忠諫或以鴻博或以時名或以舊德雖為用不一而擅美攸同故有膺綽禮升柄臣者焉亦有才不踰衆德不自重雖膺一時之寵終貽多士之羞今竝大其事迹著於編簡凡詞臣部八門

選任 恩獎

冊府元龜詞臣部 卷之五百五十

五

選任

夫令出惟行孰可以弗慎官不必備唯在乎得人而况登赤墀之塗遊青瑣之闥居切問之地司誕告之言或申論四方或傾爵庶尹或褒贊治行或發明憲章列辟是瞻生民為則典茲任者不亦難哉蹂躪而下曷嘗不慎重其選乃在馳辯博之譽韞清麗之才還衆而舉居職自稱若夫當世之主寤寐賢俊其或篤藝文之好特蒙延獎喜譙直之論首被推擇以至膺所知之論薦聳群君之望實寘於嚴署謫乎休閒然後知密勿左右誠資乎君子之儒發揮命令必在

平文士之助者也

漢司馬相如字長卿武帝時為郎帝方好藝文以淮南王安屬為諸父安於天子服屬為從父叔父辯博善為文辭甚尊重每為報書及賜賜謂賜書也堂召相如視草廼遺謂草

文之

嚴助為會稽太守上書願奉三年計最舊法當使承奉歲計今助自欲入奉也詔許因留侍中有奇異輒使為文謂非最凡要也及作賦頌數十篇

王褒蜀人宣帝時召高材劉向張子僑華龍柳褒等得詔金馬門褒與子僑等竝待詔數從褒等放獵士放

冊府元龜詞臣部 卷之五百五十

六

衆大獵也一日所幸官館輒為歌頌

晉劉超字世瑜初為元帝琅瑯國記室遂從渡江轉安東府舍人專掌文檄相府建又為舍人中興建為中書舍人

孔衍字舒元初為元帝安東參軍掌記室書文殷積而衍每以稱職見知中興初與庾亮俱補中書郎徐遵字仙民東莞始幕人孝武帝始覽典籍招延儒學之士遵既東州儒素太傅謝安舉以應選補中書舍人及為散騎常侍猶處西省累遷中書侍郎專掌諭詔改前衛率授太子經邈雖在東宮猶朝夕入見

參綜朝政修飭文詔

宋傅亮字季友晉義熙元年除員外散騎侍郎直西省典掌詔命轉領軍長史以中書郎滕演代之七年遷散騎侍郎復代演直西省仍轉中書黃門侍郎直西省知故永初元年以佐命功封建城縣公直中書省專典詔命高祖受命表策文誥皆亮之辭也

南齊謝朓字玄暉文章清麗初為明帝驃騎記室掌霸府文筆又掌中書詔誥尋拜中書郎出為宣城太守以選復為中書郎

梁江淹字文通初為南齊太祖驃騎參軍軍書表記

冊府元龜

詞臣部
選任

卷之五百五十

七

皆使淹具草相國建補記室參軍事建元初為建安王記室帶東武令參掌詔冊言遷中書侍郎

任昉字彥昇初為南齊太子步兵校尉管東宮書記雅善屬文尤長刀筆才思無窮遷中書侍郎高祖霸府初開以昉為驃騎記室梁臺既建禪讓文誥多昉所具及踐祚拜黃門侍郎

袁子野為員外郎普通中大舉北侵勅子野為檄魏文又勅為書喻魏相元入武帝深嘉焉遷中書侍郎鴻臚卿俄兼中書通事舍人別勅知制誥

陳陸瓊以文學為駸中郎武帝時討周地陳寶應等

都官符及諸大手筆竝中勅付瓊累遷中書侍郎後主即位直中書省掌詔誥至德元年除度支尚書掌詔誥如故

毛喜初為宣帝驃騎府中記室府朝文翰皆喜辭也及帝即位除給事黃門侍郎兼中書舍人典軍國機密

姚察遷戎昭將軍撰梁史後主纂集兼東宮通事舍人勅專知優冊謚議等文筆

後魏袁翻少以文學擅美孝明孝昌中為中書令領給事黃門侍郎與徐紇俱在門下竝掌文翰

冊府元龜

詞臣部
選任

卷之五百五十

八

溫子昇為廣陽王深行臺郎中黃門侍郎徐紇受四方表啓答之敏速於海獨沉思日彼有溫郎中才藻可畏元顥入雒以子昇為中書舍人莊帝還官為顯任使者多被廢黜而子昇復為舍人後除正員郎仍舍人永熙中為侍讀亦兼舍人

北齊邢劭字子才後魏光祿卿劭之子文章典麗既贍且速莊帝永安初累遷中書侍郎所作詔文體甚嚴

魏收仕後魏為主客郎中前廢帝立妙簡近侍詔收為封禪書下筆便就不立草藁遷散騎侍郎俄兼中

書侍即孝武初又詔收攝本職文誥填積事咸稱旨
陳元康爲司徒高昇記室初司馬子如高季式與孫
舉劇飲舉醉死神武命求好贊子如舉魏收他日神
武謂季式曰卿欲殺我孫主簿魏收作文書都是能
夜間不稱我意司徒嘗道一人謹密是誰季式以元
康對曰是能夜間書快吏也召之一見使授大丞相
功曹內掌機密善陳事意不爲華藻遷大行臺都官
卿封安平子

後周王褒初自梁國歸爲內史大中大夫高祖作象
經令褒注之引據該洽甚見稱賞褒有器局雅識治
冊府元龜詞臣部 卷之五百五十 九

體既累世在江東爲宰相高祖亦以此重之建德以
後頗參朝議凡大詔誥皆令褒具草東官既建授太
子少保遷少司空乃掌綸誥乘輿行幸褒嘗從焉

隋李德林初仕北齊爲通直散騎掌侍中書侍即後
周武帝平齊入鄴之日勅小司馬唐道和就宅宣慰
及從駕還長安授內史上士自此以後詔誥格式及

用山東人物一以委之

唐岑文本貞觀中爲中書舍人時中書侍即顏師古
以謹免職頃之溫彥博言於太宗曰師古諳練時事
長於文誥時無逮者與蒙復用帝曰我自舉一人公

勿憂也於是以前文本爲中書侍即專典機密
郭正一爲中書舍人高宗永隆年簡較中書侍即永
淳中正除中書累年明習舊事兼有詞學制勅多出
其手

元萬頃爲著作即則天諷高宗廣召文詞之士入禁
中述撰萬頃與左史范履冰苗神客右史周思茂胡
楚賓咸預其選時人謂之北門學士萬頃屬文敏速
則天臨朝遷鳳閣舍人無幾擢鳳閣侍即

周思茂爲右史時與左史范履冰苗神客俱以文筆
於禁中供奉二十餘年至於政事損益多預焉

冊府元龜詞臣部 卷之五百五十 十

崔融長安四年除司禮少卿知制誥融爲文典麗當
時罕有其比朝廷所須雜出寶頌則天皇后哀冊文
及諸大手筆並手勅付融撰之

賈胄爲玄宗太子舍人肅宗時授胄中書舍人胄以
父名忠固辭乃拜諫議大夫知制誥與蘇晉皆以詞
學見知

蘇頌爲工部侍即玄宗謂宰臣曰有從工部侍即得
中書侍即否對曰任賢用能非臣等所及玄宗曰蘇
頌可中書侍即明日加知制誥時李文爲紫微侍即
與頌對掌文誥

張說爲鳳閣舍人歷黃門中書侍郎弘文館集賢院學士掌文學之任凡三十年說子均珣俱能文說在中書均珣兄弟並掌翰之

張九齡爲司勳員外郎時中書令張說與九齡同姓叙爲昭穆尤親重之嘗謂人曰後來詞人稱首也俄拜中書舍人九齡以詞學進又視草翰林甚承恩顧章陟爲吏部郎中時中書令張九齡一代詞宗引陟爲中書舍人與孫逖梁涉對掌文誥時人以爲美談章袞爲起居郎代宗寶應二年選爲翰林學士考功員外郎累遷中書舍人袞文章俊拔當時推重

冊府元龜詞臣部 卷之五百五十 十一

吳通玄與兄通微俱博學善屬文通玄德宗建中初策賢良方正通微登文詞清麗等科貞元初並爲翰林學士時中書舍人李紆爲昭德王皇后謚冊文宰相張延賞柳渾爲廟樂章及進皆不稱旨竝詔通玄重撰

韓臯字仲文晉公混之子貞元初爲考功員外郎丁父艱德宗遣中人就第慰問仍宣令論誤混之事業臯號泣承命立成數千言帝嘉之及免喪執政者擬考功郎中御筆加知制誥尋遷中書舍人

韋執誼貞元年應制策高等拜右拾遺召入翰林爲

學士

高參貞元中爲中書舍人以病免唯庫部郎中張蒙獨知綸翰張延賞李泌累以才可者請皆不許濛又以姊喪在假或須草制宰相命他官以爲之

楊於陵爲京兆尹出爲絳州刺史德宗雅聞其問望發日面辭留拜中書舍人

李建喆學力文舉進士選授秘書省較書郎德宗聞其名擢充翰林學士

權德輿爲起居舍人歲中兼知制誥轉駕部員外司勳郎中職如舊遷中書舍人是時德宗親覽庶政重

冊府元龜詞臣部 卷之五百五十 十二

難除授凡命於朝多甫自御札始德輿知制誥給事中有徐岱舍人有高郢居歲餘岱卒郢知禮部貢舉獨德輿直禁垣數旬一歸家居西掖八年其間獨掌者數歲

白居易憲宗元和初應才識兼茂明於體用科授盤屋尉集賢較理文詞富豔尤精於詩筆自警較至結綬畿甸所著歌詩數十百篇皆意在諷賦箴時之病補政之缺士君子多之往往流聞禁中憲宗納諫思理渴聞讜言乃召入翰林爲學士

李德裕爲監察御史穆宗即位召入翰林學士帝在

東官素聞其父吉甫之名既見德裕尤重之禁中書詔大手筆多詔德裕草之

高鉞爲起居即充史館修撰累陳時政得失長慶元年穆宗憐之而賜緋於思政殿仍命以本官充翰林學士

草處厚爲翰林侍讀學士權知兵部侍郎兼史館修撰敬宗初即位以侍讀及修撰書詔事繁不可兼他職乃罷侍讀爲翰林學士

柳公權文宗時爲侍書學士太和九年九月祭丑幸翰林院召學士陳夷行丁居晦及公權對因面授公

冊府元龜

詞臣部

卷之五百五十

十三

權知制誥充翰林學士

白敏中居易從父弟開成末爲戶部員外郎武宗素聞居易之名及即位欲用之宰相李德裕言居易哀病不能朝謁因言從弟敏中詞藝類居易即日命知

制誥召入翰林爲學士

梁趙光裔太祖始授禪自外制入爲翰林學士時詔制叢委中命迅急光裔遣詞供職典而有體時所許焉三年秋以兄光逢作相不樂在密勿之地堅辭得請出拜太常少卿乾化二年復命爲中書舍人翰林學士

後唐王仁裕初仕蜀爲中書舍人蜀亡爲汴州觀察判官末帝清泰中汴師范延光言其不可滯於賓佐末帝亦知其有才乃召爲司封員外知制誥充翰林學士

周魚崇諒漢隱帝乾祐三年自保義軍節度副使爲中書舍人充翰林學士崇諒晉朝爲員外郎知制誥契冊命爲學士漢高祖入汴復召爲學士以母老思歸乞解職侍養漢高祖嘉之命爲本州副使請領都俸王師討三兇時節度使白文珂在軍前崇諒爲副使知後事凡供軍儲備調發徵促尅期而辦近鎮供

冊府元龜

詞臣部

卷之五百五十

十四

億深所賴焉會王仁裕請退禁庭選學士議者以爲文字稱職無踰崇諒乃復徵之至太祖時崇諒母病爲太祖許歸侍養廣順三年復徵之崇諒累表辭以母病難於違養太祖賜詔曰卿向以母親高年久嬰疾恙解職歸止徇意承顏始於疾辭今聞疾愈臻此康寧之福孫其感應之誠苟徵命以猶稽則才能而虛滯復乃職位式作論思載覽表章尚形眷戀諭以前詔俾之侍行子道旣以光揚君恩亦須承順速宜祇赴無或再三崇諒認詔意不敢堅辭復表言比及撰行節氣凝滋乞至春煖奉親歸朝許之仍詔本州

給行裝借馳馬送至京師授禮部侍郎知制誥充翰林學士

恩獎

古稱登高必賦可以爲大夫蓋取其感物造端材智深美而能圖事者也厥後選任文學之士置之近密乃有潤色鴻業宣行大事陟降帝右居處禁中或受對從容或賞賜優洽激其清節褒以美詞使榮冠一時名垂千載儒者之遇於斯爲盛

漢王褒字子淵宣帝時與張子僑等竝待詔數從褒等放獵游放及田獵也所幸宮館輒爲歌頌第其高下以差

冊府元龜詞臣部 卷之五百五十

賜帛

魏耶鄆淳黃初爲博士給事中作投壺賦千餘言奏之文帝以爲工賜帛十疋

晉劉超字世瑜元帝時爲中書舍人職典文翰而處身清苦衣不重帛每帝所賜皆固辭曰凡陋小臣橫竊賞錫無德而錄殃咎是懼帝嘉之不奪其志

南齊傳昭爲中書舍人時居此職者皆權傾天下昭獨廉靜無所干預器服率畧身安麤糲嘗插燭板床明帝聞之賜漆合燭盤勅曰卿有古人之風故賜卿

古人之物

陳陸瑒爲法曹外兵參軍直嘉德殿學士文帝聽覽餘暇頗留心史籍以瑒博學善占誦引置左右嘗使製刀銘瑒援筆即成無所點竄帝嗟賞久之賜衣一襲

後魏董紹爲中書舍人辯於對問爲宣武所賞孝明初紹上御天馬頌帝賞其辭賜帛八十疋

隋李德林初仕北齊爲中書舍人加通直散騎侍郎是時中書侍郎杜臺卿上世祖武成皇帝頌齊後主

以爲未能盡善令和云開以頌示德林宣旨云臺卿此文未審朕意卿有大才須叙盛德即宜速作急進

冊府元龜詞臣部 卷之五百五十

本也德林乃上頌十六章并序後主覽頌善之賜名

馬一匹

薛道衡開皇中爲內史侍郎高祖每日薛道衡作文書甚稱我意然誠之以迂誕後高祖善其稱職謂楊

素牛弘曰道衡老矣驅使勤勞宜使其朱門陳戟於是進位上開府賜物百段道衡辭以無功高祖曰爾

久勞階陞國家大事皆爾宣行豈非功也

虞綽煬帝大業中爲著作佐郎與虞世南庾自直蔡元衆等四人嘗居禁中以文翰待詔恩盼隆洽

唐徐齊聃咸亨中爲西臺舍人善於文誥甚爲當時

所稱高宗愛其文令侍周王等屬文以職在樞劇仍勅問來往焉

蘇頌開元初爲中書侍郎時李又爲紫微侍郎與頌對掌文誥他日玄宗謂頌曰前朝有李嶠蘇味道謂之蘇李今有卿及李又亦不謝之卿所製文誥可錄一本對進題云臣頌換朕要留中披覽其禮遇如此徐浩大寶末爲中書舍人玄宗傳位誥册皆浩爲之泰兩宮文翰寵遇罕比

于邵德宗建中初爲中書舍人尋兼禮部侍郎加史館修撰爲三司使當撰上尊號册文賜階銀青當是册府元龜詞臣部 恩獎 卷之五百五十 十七

時朝廷有大詔令皆出於邵

姜公輔建中初爲左拾遺召入翰林爲學士歲滿當改官公輔上書自陳以母老家貧以府掾俸給稍優乃求兼京兆府戶曹參軍特承恩顧才高有器識每對見言事德宗多從之

吳通玄建中初爲諫議大夫知制誥詞藻婉麗德宗尤憐之時有詔李紆爲昭德王皇后謚册文字相張延賞柳渾爲廟樂章及進皆不稱旨竝詔通玄重撰凡中旨腴述非通玄之筆不憚然重之如此陸贄建中貞元中爲翰林學士艱難中爲內職行止

輒隨從精潔小心未嘗有過誤德宗特所親信待之不以嚴特見從容言笑之際或脫玉衣以衣之或以姓第呼爲陸兄同職莫敢望之初德宗自奉天適梁州山路危險往往與從官相失夜至驛求贄不得驚悲涕泣募於衆日有能得贄者吾與千金久之贄乃至皇太子已下皆賀贄母章氏在江東時詔中使迎至京師道路以驛摺紳以爲榮及母卒將合葬於河南復詔中使往護其父柩至河南葬焉免喪權知兵部侍郎復入翰林入見之日德宗爲之改容致詞以弔之

册府元龜詞臣部 恩獎 卷之五百五十 十八

權德輿貞元末爲中書舍人獨直禁垣數旬始歸嘗上疏請除兩省官德宗曰非不知卿之勞苦禁掖清切須得如卿者所以久難其人

張仲素爲翰林學士元和十三年淮西平憲宗御麟德殿對仲素及段文昌沈傳師杜元穎以仲素等自討叛奉書詔之勤賜仲素紫賜文昌等以緋

令狐楚爲職方員外郎知制誥撰元和辯謗畧書成帝嘉其該傳轉職方郎中知制誥充翰林學士

崔郾爲翰林侍讀學士轉中書舍人入思政殿謝恩即奏曰陛下用臣爲侍讀半歲有餘未嘗聞臣經義

今蒙轉改實慙尸素有規厚恩穆宗曰俟朕機務稍閒即當請益學士高鉞曰陛下意雖樂善既未延接儒生天下之人寧知重道帝深引咎錫之以錦綵焉高鉞爲兵部員外郎翰林學士長慶四年四月禁中有張韶之變敬宗幸左軍是夜鉞從帝宿於左軍翌日賊平賞從臣賜鉞錦綵七十疋轉戶部郎中知制誥

路隨爲翰林學士承旨文宗太和元年四月晡後召隨已下對於大液殿各賜錦綵銀器

鄭覃爲翰林學士太和四年七月文宗於大液亭召

冊府元龜詞臣部
恩獎卷之五百五十

十九
覃已下爵賜之錦綵

封敖爲翰林學士武帝深重之掌草賜陣傷邊將詔

警句曰傷君爾體痛在朕躬帝覽而善之賜宮錦

杜讓能中和中爲翰林學士時僖宗幸蜀關中用兵

書詔重委讓能草辭敏速筆無點竄動中事機帝嘉

之遷戶部侍郎承旨

後唐李琪初仕梁爲翰林學士承旨專掌文翰下筆

稱旨寵遇踰倫

盧質爲兵部尚書翰林學士承旨明宗長興初賜號

論思輔佐功臣非常
例也

李憚爲翰林學士末帝一日御廣壽殿召憚及程遷崔拙和凝李崧舍人王延張昭遠李詳呂琦等賜食帝曰俱掌王言何以分別內外李憚對曰王言本舍人所掌祇自肅宗舉兵靈武後軍中逐急時令學士草詞自後乃分職命將相錄內群臣錄外其實一也食畢人賜馬一匹衣一襲

周扈載爲水部員外郎知制誥從駕南征廻召爲翰林學士賜緋時載卧病不能朝謝者數月一日乃力

疾就直帝軫其羸蒲賜告歸第仍降太醫視疾其罷

遇也如此

冊府元龜詞臣部
恩獎卷之五百五十

二十

冊府元龜

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事臣黃國琦較釋

詞臣部 二

詞學 才敏 器識

詞學

自漢氏之後代言潤色之任歸於省闈非夫學窮物表識通治體藻翰英發可以丹青帝載文辭雅奧可以揚導天律亦何能憲章古昔發揮號令使溫純郁

冊府元龜

詞臣部 卷之五百五十一

穆有上世之風烈哉乃有練識舊典博通經術鋒氣宏拔章彩彬蔚典暢情理率循軌度祖述前訓綽有遺妍約束機務洞臻體要以至藹稱職之譽增時又之美或屢蒙嘉獎或專以委任布於佳話良以躋敷魏劉放初為太祖記室文帝明帝時為中書令善為書檄三祖詔命有所招諭多放所為

吳胡綜為大帝書部與是儀徐詳俱典軍國密事凡自文帝統事諸文詔策命鄰國書符畧皆綜之所造也

晉孔演為中書侍郎于時中興肇建庶事草創演繼

學博通又練識舊典朝儀軌制多取正焉辭是元明

二帝竝親愛之

范甯為中書侍郎專掌西省康帝雅好文學而甯明習五經甚見親愛朝廷疑議輒諮訪之

南齊丘靈鞠宋末為正員外郎兼中書郎時方禪讓高帝使靈鞠參掌詔策建元元年轉中書郎勅知東官手筆靈鞠宋時文名甚盛

王融為中書郎世祖永明九年幸芳林園襍宴朝臣詔融為曲水詩序文藻富麗當世稱之

梁任孝恭為中書通事舍人勅遣製建陵寺刹下銘冊府元龜

詞臣部 卷之五百五十一

又啓撰高祖集序文竝富麗自是專公家筆翰朱异為尚書儀曹郎兼中書通事舍人自周捨卒後异代掌機謀方鎮改換朝儀國典詔詔勅書竝兼掌之

丘遲為中書郎待詔文德殿武帝著連珠詔群臣繼作者數十人遲文最美

陳徐陵初仕梁為吏部郎掌詔詔有陳創業文檄軍書及禪授詔策皆陵所製而九錫尤美為一代文宗亦不以此矜物未嘗詆訶作者其於後進文徒接引無倦世祖高宗之世國家大手筆皆陵草之

姚察爲中書侍郎歷嘉德宣明二殿及東宮三學士
每有制述多用新奇專志者書白首不佞徐陵各高
一代每見察述作尤所推重嘗謂子儉曰姚學士德
學無前汝可師之也

後魏趙逸爲中書侍郎太武神鼎三年三月上巳帝
幸白虎殿命百僚賦詩選製詩序時稱爲善

崔光本名孝伯歷中書侍郎給事黃門侍郎甚爲孝
文所知待嘗曰孝伯之才浩浩如黃河東注固今日
之文宗也

高閭爲中書侍郎軍國書檄詔令碑頌銘贊百有餘
冊府元龜詞臣部 卷之五百五十一 三
篇其文亦高允之流世稱二高

北齊魏收初仕後魏爲中書舍人與濟陰溫子昇河
間邢子才齊魯世號三才收後爲散騎常侍兼中書
侍郎神武入朝靜帝授以相國固令收爲啓啓成上
王文襄時侍側神武指收曰此人當復爲崔光又季
秋大射普令賦詩收詩末云尺書徵建新折簡召長
安文襄壯之顧諸人曰在朝今有魏收便是國之光
彩雅俗文墨通達縱橫我亦使子才子昇時有所短
至於詞氣並不及之吾有志而不語語而不盡意有
未及收呈草皆已周悉此亦難有又侯景既陷梁土

鄱陽王範時爲合州刺史文襄初收以書諭之範得
書仍率部伍西上刺史崔聖念入據其城文襄謂收
曰今定一州卿有其力猶恨尺書徵建鄴未效耳廢
帝卽位於晉陽驛召收及中山太守楊休之參政議
吉凶之禮并掌詔詔文宣謚及廟號陵名皆收議也
及孝昭居冢宰事命收禁中爲諸詔文積日不出轉
中書監

邢劭字子才爲中書侍郎所作詔文體容麗累遷中
書監文宣幸晉陽路中頻有甘露之瑞朝臣皆作甘
露頌尚書附令劭爲之序

冊府元龜詞臣部 卷之五百五十一 四
崔陵爲侍中歷覽羣書兼有詞藻自中興之後迄於
武帝詔詔表檄多陵所爲

荀士遜爲中書舍人以文辭見重累遷中書侍郎號
爲稱職

顏之推爲中書舍人帝有取索嘗令中使傳旨之推
稟承宣詔館中皆受進止所進文章皆是其封署於
進賢門奏之待報方出兼善於文字監技繕寫處事
勤敏號爲稱職

後周劉祥字休徵爲內史上士高祖北征休徵陪侍
帷幄平齊露布卽休徵之文也

隋薛道衡爲內史侍郎上儀同三司久當樞要才名益顯太子諸王爭相與交高顯楊素雅相推重聲名籍甚無兢一時

牛弘爲納言上士伐專掌文翰甚有美稱

唐徐齊聃高宗時爲西臺舍人齊聃善於文詞甚爲當時所稱高宗愛其文令侍周王等屬文以職在樞極仍勅間日往來

郭正一爲中書舍人後爲中書侍郎在中書累年明習舊事兼有詞學制勅多其手出當時號爲稱職

劉憲字玄度則天時爲鳳閣舍人文詞爲世所稱

冊府元龜

詞臣部

卷之五百五十一

五

李嶠爲鳳閣舍人則天添加禮待朝廷每有大文詞令嶠爲之

崔融爲司理少卿知制誥時張易之兄弟頗招集文學之士融與納言李嶠鳳閣侍郎蘇味道麟臺少監王紹宗等俱以文才降節事之

賈會開元初爲中書舍人與蘇晉同掌制誥皆以詞學見知時人稱爲蘇賈

許景先開元中爲中書舍人與齊澣王丘韓休張九齡掌知制誥以文翰見稱中書令張說常稱曰許舍人之文雖無峻峯激流斬絕之勢然屬辭豐美得中

和之氣亦一時之秀也

席豫爲中書舍人與韓休許景先徐安貞孫逖相次掌制誥皆有能名

齊澣爲中書舍人潤色王言皆以古義謨誥爲準的侍中宋璟中書侍郎蘇頌並重之

孫逖爲中書舍人逖掌誥八年制勅所出爲時流歎服議者以爲自開元以來蘇頌齊澣蘇晉賈會韓休許景先及逖爲王言之最逖尤苦思文理精練加之謙退不伐人多稱之

韋陟爲吏部郎中張九齡一代詞宗爲中書令引陟爲中書舍人與梁迥對掌綸誥時人以爲美談

肖袞代宗永泰中爲中書舍人袞文章俊拔當時推重與楊炎同掌制誥時稱爲營楊

崔元瀚德宗時爲禮部員外郎實參爲相舉知制誥詔令溫雅合於典訓

令狐楚爲職方員外知制誥善於牋表制誥每爲一詞纔成衆立傳寫憲宗聞其名召見擢爲翰林學士王仲舒元和中爲職方郎中知制誥文思溫雅制誥卽出人皆傳寫

元稹穆宗長慶初爲禮部郎中知制誥詞誥所出變